

## মানবন্টন : পূর্ণমান ১০০

- সৃজনশীল প্রশ্নের জন্য ৬০ নম্বর এবং বহুনির্বাচনি প্রশ্নের জন্য ৪০ নম্বর বরাদ্দ থাকবে।
- প্রতিটি সৃজনশীল প্রশ্নের নম্বর ১০ এবং প্রতিটি বহুনির্বাচনি প্রশ্নের নম্বর ১।
- সৃজনশীল প্রশ্ন:  
সৃজনশীল অংশে মোট ৯টি প্রশ্ন থাকবে এবং উত্তর দিতে হবে মোট ৬টি প্রশ্নের।
- বহুনির্বাচনি প্রশ্ন :  
৪০টি বহুনির্বাচনি প্রশ্ন থাকবে, সব কয়টি প্রশ্নের উত্তর দিতে হবে।

### সৃজনশীল প্রশ্নপত্রের সাধারণ কাঠামো

এতে প্রতিটি প্রশ্নের শুরুতে একটি দৃশ্যকল্প বা উদ্দীপক (stem) থাকবে যা হতে পারে একটি সাধারণ সূচনা বক্তব্য, চার্ট, চিত্র, গ্রাফ ইত্যাদি। দৃশ্যকল্প বা উদ্দীপকের শেষে ৪টি প্রশ্ন থাকবে।

প্রশ্ন ৪টির নম্বর বন্টন হবে নিম্নরূপ:

- (ক) প্রশ্নের মান থাকবে ১
- (খ) প্রশ্নের মান থাকবে ২
- (গ) প্রশ্নের মান থাকবে ৩
- (ঘ) প্রশ্নের মান থাকবে ৪

প্রতিটি প্রশ্নের এই ৪টি অংশের মোট নম্বর হবে ১০।

## নমুনা প্রশ্ন

## সমাজকর্ম

কোর্স কোড: HSC-2811

## সৃজনশীল প্রশ্ন

সময়: ২ ঘন্টা ১০ মিনিট

পূর্ণমান-৬০

[দ্রষ্টব্য: প্রদত্ত উদ্দীপকগুলো মনোযোগ দিয়ে পড়ুন এবং সংশ্লিষ্ট প্রশ্নগুলোর উত্তর দিন। যে কোনো ছয়টি প্রশ্নের উত্তর দিন। ডান পাশের সংখ্যা প্রশ্নের পূর্ণমান জ্ঞাপক।]

১. অধ্যাপক ড. মুহাম্মদ সামাদ তাঁর “বস্তিবাসী শিশু-কিশোরদের মাদকাসক্তির কারণ ও প্রভাব: ঢাকা শহরভিত্তিক একটি সমীক্ষা” শীর্ষক গবেষণায় উদ্ঘাটন করেন যে বস্তিবাসী শিশু-কিশোররা তাদের ন্যূনতম প্রয়োজন ও চাহিদা পূরণ করতে পারে না। তাদের সূচু সামাজিকীকরণ না হওয়ার ফলে তারা বিপথগামী হচ্ছে। তাদের অনেকেই সিগারেট, গাজা, ড্যান্ডিসহ বিভিন্ন ধরনের মাদক গ্রহণ, সেবন, ক্রয় ও বিক্রয়ের সাথে সম্পৃক্ত হচ্ছে। ফলে সমাজে অপরাধমূলক কর্মকাণ্ড বৃদ্ধি পাচ্ছে। তিনি তাঁর গবেষণা প্রতিবেদনে শিশু-কিশোরদের মাদকের মরণছোবল থেকে রক্ষার জন্য তাদের প্রয়োজন ও চাহিদা যথাযথভাবে পূরণের উপর গুরুত্বারোপ করেন।
  - ক. খাদ্য কী? ১
  - খ. সামাজিক সমস্যা বলতে কী বোঝায়? ২
  - গ. উদ্দীপকে শিশু-কিশোরদের কোন কোন চাহিদা ও প্রয়োজন পূরণ হয়নি তা চিহ্নিত করে ব্যাখ্যা করুন। ৩
  - ঘ. “শিশু-কিশোরদের প্রয়োজন ও চাহিদা যথাযথভাবে পূরণ না হলে তারা বিপথগামী হয়ে যায়” – বিশ্লেষণ করুন। ৪
২. নিরক্ষরতা বাংলাদেশের মতো উন্নয়নশীল রাষ্ট্রের একটি অন্যতম সামাজিক সমস্যা। শিশু-কিশোরদের শিক্ষাজীবন থেকে ঝরে পড়া নিরক্ষরতার অন্যতম কারণ গুলোর মধ্যে একটি। এ সমস্যা নিরসনে বর্তমান সরকার শিক্ষা প্রতিষ্ঠানগুলোতে সমাজকর্মের একটি বিশেষ শাখার জ্ঞান প্রয়োগের উদ্যোগ নিয়েছে। ফলে শিশু-কিশোরদের পরামর্শ প্রদান, মানসিক সহায়তা প্রদানসহ কর্মদক্ষতা বৃদ্ধি এবং পরিবর্তনশীল পরিবেশের সাথে সামঞ্জস্য বিধানে সক্ষম করে তোলা হচ্ছে।
  - ক. কত সালে আমেরিকায় চিকিৎসা সমাজকর্মী সমিতি গঠিত হয়? ১
  - খ. সাইকিয়াট্রিক সমাজকর্মের লক্ষ্যসমূহ বর্ণনা করুন। ২
  - গ. শিশু-কিশোরদের শিক্ষাজীবন থেকে ঝরে পড়া নিরসনে সমাজকর্মের যে শাখার জ্ঞান প্রয়োগ করা হয়েছে তার গুরুত্ব উপস্থাপন করুন। ৩
  - ঘ. ‘বাংলাদেশের মতো উন্নয়নশীল রাষ্ট্রে শাখাটির গুরুত্ব অত্যধিক’ – কথাটির তাৎপর্য উদ্দীপকের আলোকে বিশ্লেষণ করুন। ৪
৩. লক্ষ্মীরামীর পরিবার দারিদ্র্যে জর্জরিত। তার স্বামী কোনো কাজ করে না। সে তার ১৩ বছরের মেয়ে স্বপ্নাকে পড়াশোনা না করিয়ে বিয়ে দিয়ে দেয়। বিয়েতে মেয়ের জামাইকে নগদ অর্থ, স্বর্ণালংকার ও আসবাবপত্র দেয়। বিয়ের মাস কয়েক পরই মেয়ের জামাই তার কাছে আরো অর্থ দাবি করে। সে তা দিতে অপারগ জানালে স্বপ্নার উপর তার স্বামী পাশবিক নির্যাতন চালায়। এক পর্যায়ে স্বপ্না সংসার ছেড়ে শহরে পাড়ি জমায়। বর্তমানে স্বপ্না একটি অপরাধীচক্রের সাথে জড়িয়ে পড়েছে।
  - ক. অটিজম কী? ১
  - খ. জনসংখ্যাঙ্কীতি বলতে কী বোঝায়? ২
  - গ. সামাজিক সমস্যার ক্রমাগত প্রতিক্রিয়া ও পারস্পরিক নির্ভরশীলতার আলোকে স্বপ্নার জীবনের সমস্যাসমূহ উপস্থাপন করুন। ৩
  - ঘ. স্বপ্না তার জীবনে যেসব সমস্যার সম্মুখীন হয়েছে তা কিভাবে পরিমাপযোগ্য ও সমাধানযোগ্য? – বিশ্লেষণ করুন। ৪

৪. অধ্যাপক ড. কে এম রবীউল করিম স্নাতক (সম্মান) শ্রেণির শিক্ষার্থীদের সামাজিক প্রতিষ্ঠান সম্পর্কে পাঠদান করেন। তিনি মৌলিক ও সর্বজনীন একটি সামাজিক প্রতিষ্ঠান সম্পর্কে বিস্তারিত আলোচনা করেন। তিনি বলেন, সমাজ সৃষ্টির আদিলগ্ন থেকে প্রতিষ্ঠানটির অস্তিত্ব বিদ্যমান। এ প্রসঙ্গে তিনি প্রখ্যাত নৃবিজ্ঞানী ই. বি. টেইলরের সংজ্ঞা বিশ্লেষণ করেন। সমাজস্থ মানুষের নীতিবোধ ও নৈতিক শিক্ষার উৎস হিসেবে সামাজিক প্রতিষ্ঠানটির গুরুত্ব ও তাৎপর্য অত্যাধিক বলে যুক্তি উপস্থাপন করেন।
- ক. ‘UNICEF’ এর পূর্ণরূপ লিখুন। ১
- খ. সামাজিক প্রতিষ্ঠান বলতে কী বোঝায়? ২
- গ. উদ্দীপকে উল্লিখিত সামাজিক প্রতিষ্ঠানের গুরুত্ব ব্যাখ্যা করুন। ৩
- ঘ. “উক্ত সামাজিক প্রতিষ্ঠানটি সামাজিক সমস্যা নিয়ন্ত্রণের চাবিকাঠি” –উক্তিটির পক্ষে যুক্তি দিন। ৪
৫. ডলির শিশু বয়সেই বিয়ে হয়ে যায়। বিয়ের পর শ্বশুরবাড়ীতে সে সামঞ্জস্য বিধানে সক্ষম হচ্ছিল না। তার স্বামী তাকে মৌখিকভাবে তিন তালক উচ্চারণ করে বাপের বাড়ি পাঠিয়ে দেয়। তার স্বামী তাকে না জানিয়ে পুনরায় বিয়ে করেছে। বর্তমানে ডলির পরিবার আইনের আশ্রয় নিয়েছে।
- ক. শিশু আইন, ১৯৭৪ কবে থেকে সারা দেশে কার্যকর হয়েছে? ১
- খ. কিশোর আদালত বলতে কী বোঝায়? ২
- গ. ডলির স্বামীর বিচার হবে বাংলাদেশে প্রচলিত কোন আইনের কোন ধারাসমূহের আওতায়? ব্যাখ্যা করুন। ৩
- ঘ. বাংলাদেশে নারীদের অধিকার প্রতিষ্ঠায় আইনটি যথেষ্ট কি না? –উত্তরের সপক্ষে যুক্তি দিন। ৪
৬. বাংলাদেশ সরকার বস্তিবাসী জনগোষ্ঠীর দারিদ্র্য বিমোচন ও আর্থ-সামাজিক উন্নয়নে একটি কার্যক্রম পরিচালনা করছে। এদেশে সমাজকর্ম পেশার ঐতিহাসিক প্রেক্ষাপটের সাথে কার্যক্রমটির যোগসূত্র রয়েছে। বর্তমানে এ কার্যক্রমটি দেশের ৬৪টি জেলার ৮০টি ইউনিটের মাধ্যমে পরিচালিত হচ্ছে। এটি একটি গুরুত্বপূর্ণ সমষ্টি উন্নয়নমূলক কার্যক্রম।
- ক. প্রবীণ কারা? ১
- খ. বেসরকারি সমাজ উন্নয়ন কার্যক্রম বলতে কী বোঝায়? ২
- গ. উদ্দীপকে যে সমষ্টি উন্নয়ন কার্যক্রমের ইঙ্গিত করা হয়েছে সেটির লক্ষ্য-উদ্দেশ্য চিহ্নিত করুন। ৩
- ঘ. কার্যক্রমটির ঐতিহাসিক প্রেক্ষাপট ও তাৎপর্য বিশ্লেষণ করুন। ৪
৭. জনাব মোঃ আলাউদ্দিন একটি বেসরকারি সংস্থায় কর্মরত আছেন। শহরাঞ্চলের সুবিধাবঞ্চিত বস্তিবাসী ও শ্রমজীবী শিশুদের মধ্যে শিক্ষার আলো ছড়িয়ে দেয়ার লক্ষ্যে সংস্থাটি সদাতৎপর। এ লক্ষ্যে সংস্থাটি শিক্ষা, কর্মসংস্থান, প্রশিক্ষণ, চিত্তবিনোদনসহ বহুমুখী কর্মসূচি পরিচালনা করছে। সংস্থাটি তাদের কার্যক্রম বাস্তবায়নে সমাজকর্মের নীতি, কৌশল ও পদ্ধতি প্রয়োগ করে থাকে।
- ক. কিশোর উন্নয়ন কেন্দ্র সর্বপ্রথম কত সালে প্রতিষ্ঠিত হয়? ১
- খ. সমাজসেবা অধিদপ্তরের ভিশন বর্ণনা করুন। ২
- গ. উদ্দীপকে বর্ণিত সংস্থার সাথে পাঠ্যবইয়ের কোন সংস্থার কার্যক্রমের সাদৃশ্য রয়েছে তা চিহ্নিত করুন। ৩
- ঘ. সুবিধাবঞ্চিত শিশুদের আর্থ-সামাজিক উন্নয়নে প্রতিষ্ঠানটি কতটুকু ভূমিকা রাখতে পারছে তা মূল্যায়ন করুন। ৪
৮. অধ্যাপক ড. আব্দুল হাকিম সরকার আন্তর্জাতিক এক সেমিনারে তাঁর প্রবন্ধ উপস্থাপন করেন। তাঁর প্রবন্ধে তিনি সেসব সংস্থা সম্পর্কে আলোকপাত করেন যেগুলো দ্বিতীয় বিশ্বযুদ্ধের পর মানবজীবনের চরম ক্ষতিপূরণ, সার্বিক নিরাপত্তা ও নিশ্চয়তা প্রদানের লক্ষ্যে সৃষ্টি হয়। বিশ্বব্যাপী সংস্থাসমূহ মানুষের সামাজিক, অর্থনৈতিক, সাংস্কৃতিক তথা সার্বিক উন্নয়ন ও বিকাশে যে সংগতি কার্যক্রম পরিচালনা করছে তা বিশ্লেষণ করে তুলে ধরেন।
- ক. WHO কী? ১
- খ. গ্রামীণ ব্যাংক বলতে কী বোঝেন? ২
- গ. উদ্দীপকের আলোকে ইঙ্গিত করা সংস্থাসমূহের গুরুত্ব ও প্রয়োজনীয়তা চিহ্নিত করুন। ৩
- ঘ. বিশ্বশান্তি, সমৃদ্ধি ও উন্নয়নে এসব সংস্থার বিকল্প আছে কি-না? আপনার উত্তরের সপক্ষে যুক্তি উপস্থাপন করুন। ৪

৯. বাংলাদেশ উন্মুক্ত বিশ্ববিদ্যালয়ের সমাজকর্মের শিক্ষার্থীরা কিশোর উন্নয়ন কেন্দ্র, টঙ্গী, গাজীপুর ৬০ কর্মদিবস ব্যবহারিক প্রশিক্ষণে অংশগ্রহণ করেন। ব্যবহারিক প্রশিক্ষণ শেষে প্রত্যেকে একটি করে প্রতিবেদন বিশ্ববিদ্যালয় তত্ত্বাবধায়কের নিকট জমা দেন। প্রত্যেকেই তাদের প্রতিবেদনে সমাজকর্ম শিক্ষায় ব্যবহারিক প্রশিক্ষণের গুরুত্ব ও তাৎপর্য তুলে ধরেন। সেই সাথে তারা ব্যবহারিক অনুশীলনের সীমাবদ্ধতা তুলে ধরেন। তারা প্রত্যেকেই তাদের প্রতিবেদনে উল্লেখ করেছেন যে, প্রতিষ্ঠান তত্ত্বাবধায়ক সমাজকর্মে স্নাতক ও স্নাতকোত্তর ডিগ্রিধারী না হওয়ায় তারা সমস্যার সম্মুখীন হয়েছিলেন। তবে তারা তাদের তাত্ত্বিকজ্ঞানকে বাস্তবে প্রয়োগ করার জন্য বিশ্ববিদ্যালয় তত্ত্বাবধায়কের নিকট হতে গুরুত্বপূর্ণ দিকনির্দেশনা পেয়েছিলেন।
- ক. সমাজকর্ম কৌশল কী? ১
- খ. কেস ম্যানেজমেন্ট প্রক্রিয়া সম্পর্কে ব্যাখ্যা করুন। ২
- গ. শিক্ষার্থীরা তাত্ত্বিকজ্ঞানকে কিভাবে ব্যবহারিক ক্ষেত্রে প্রয়োগ করে সমস্যা মোকাবিলা করেছিল? ব্যাখ্যা করুন। ৩
- ঘ. “সমাজকর্ম অনুশীলনে তাত্ত্বিকজ্ঞানের পাশাপাশি ব্যবহারিক প্রশিক্ষণের গুরুত্ব অনস্বীকার্য”- আপনার মতামত দিন। ৪

## সমাজকর্ম বহুনির্বাচনি অভীক্ষা

সময়: ৪০ মিনিট

পূর্ণমান- ৪০

[দ্রষ্টব্য: সরবরাহকৃত বহুনির্বাচনি অভীক্ষার প্রতিটি ক্রমিক নম্বরের প্রশ্নের সঠিক/সর্বোৎকৃষ্ট উত্তরটি উত্তরপত্রে লিখুন। প্রতিটি প্রশ্নের মান ১।]

- ১। মৌলিক মানবিক চাহিদা মুরত কয় ধরনের চাহিদার সমন্বয়ে গঠিত হয়?
 

ক. দুই	খ. তিন
গ. পাঁচ	ঘ. ছয়
- ২। কোন মৌলিক চাহিদাটি মানব সভ্যতার ধারক ও বাহক?
 

ক. খাদ্য	খ. বস্ত্র
গ. শিক্ষা	ঘ. চিত্তবিনোদন
- ৩। নিচের কোনটি জৈবিক চাহিদা?
 

ক. খাদ্য	খ. বাসস্থান
গ. চিকিৎসা	ঘ. বস্ত্র
- ৪। বাংলাদেশের মোট জাতীয় উৎপাদনের কত ভাগ কৃষিখাত থেকে আসে?
 

ক. ২০ ভাগ	খ. ৩০ ভাগ
গ. ৪০ ভাগ	ঘ. ৫০ ভাগ
- ৫। বাংলাদেশ সরকারের দারিদ্র্য বিমোচন কর্মসূচির অন্তর্ভুক্ত হচ্ছে-
  - i. vulnerable group feeding
  - ii. vulnerable group development
  - iii. school feeding
 নিচের কোনটি সঠিক?
 

ক. i ও ii	খ. i ও iii
গ. ii ও iii	ঘ. i, ii ও iii
- ৬। কত সালে বাংলাদেশে চিকিৎসা সমাজকর্মের নামকরণ করা হয় হাসপাতাল সমাজসেবা?
 

ক. ১৯৮২ সালে	খ. ১৯৮৩ সালে
গ. ১৯৮৪ সালে	ঘ. ১৯৮৫ সালে
- ৭। "What is Social Case Work" -গ্রন্থটির রচয়িতা কে?
 

ক. উইলিয়াম বিভারিজ	খ. ম্যারী অ্যালেন রিচমন্ড
গ. ডব্লিউ. এ. ফ্রিডল্যান্ডার	ঘ. জ্যান এ্যাডামস
- ৮। সমাজবিজ্ঞানী এফ.ই. মেরিল এর মতে সামাজিক সমস্যার উপাদান হচ্ছে-
  - i. পরিমাপযোগ্য অবস্থা
  - ii. মূল্যবোধের প্রতি হুমকিস্বরূপ
  - iii. দলীয় কার্যক্রমের প্রয়োজন অনুভূত হওয়া
 নিচের কোনটি সঠিক?
 

ক. i ও ii	খ. i ও iii
গ. ii ও iii	ঘ. i, ii ও iii
- ৯। খাদ্যো উপাদান কয়টি?
 

ক. চারটি	খ. পাঁচটি
গ. ছয়টি	ঘ. সাতটি

- ১০। প্রিয়াংকার বিয়েতে তার বাবা পাত্রপক্ষকে স্বর্ণালংকার, নগদ টাকা ও উপটোকন দিলেন। তার বন্ধুরা তাকে কিছু বই দিল। তার মা পাত্রকে বিদেশে পড়াশোনার খরচ দেয়ার সম্মতি জ্ঞাপন করলেন।
- ক. স্বর্ণালংকার ও বই  
খ. স্বর্ণালংকার ও বিদেশে পড়ার খরচ  
গ. বিদেশে পড়ার খরচ ও বই  
ঘ. স্বর্ণালংকার, নগদ টাকা, উপটোকন ও বিদেশে পড়ার খরচ
- ১১। পরিবেশ বিজ্ঞানীগণ জলবায়ু পরিবর্তনের কারণকে মূলত কয় ভাগে ভাগ করেছেন?
- ক. দুই ভাগে  
খ. তিন ভাগে  
গ. চার ভাগে  
ঘ. পাঁচ ভাগে
- ১২। HIV এর পূর্ণরূপ কোনটি?
- ক. Human Immue Deficiency Virus  
খ. Humans Immuno Deficiency vicus  
গ. Human Immuno Deficiency virus  
ঘ. Human Immuno Virus
- ১৩। সামাজিক ব্যাধি হচ্ছে—
- i. জনসংখ্যাশ্ফীতি  
ii. মাসদকাসক্তি  
iii. যৌন হয়রানি
- নিচের কোনটি সঠিক?
- ক. i ও ii  
খ. i ও iii  
গ. ii ও iii  
ঘ. i, ii ও iii
- নিচের উদ্দীপকটি পড়ুন এবং ১৫ ও ১৫নং প্রশ্নের উত্তর দিন:
- তনুশ্রীর পরিবার কোনো একটি সামাজিক সমস্যায় জর্জরিত যা স্থান-কাল-সমাজভেদে আপেক্ষিক হিসেবে পরিগণিত হয়। সমস্যাটিতে মূলত জর্জরিত তার বাবা ও ভাই। তনুশ্রীর ধারণা হতাশা, ব্যর্থতা ও সঙ্গদোষের কারণে তার বাবা ও ভাই সমস্যায় জর্জরিত হয়েছে। সে তার বাবা ও ভাইকে সমাজকর্মীর নিকট নিয়ে যায়। সমাজকর্মী এ সমস্যা নিরসনে বিভিন্ন ধরনের খেরাপী দিচ্ছেন।
- ১৪। উদ্দীপকে কোন সামাজিক সমস্যার ইঙ্গিত করা হয়েছে?
- ক. দারিদ্র্য  
খ. বেকারত্ব  
গ. মাদকাসক্তি  
ঘ. অপুষ্টি
- ১৫। উদ্দীপকের ইঙ্গিত করা সমস্যার কারণ হচ্ছে—
- i. দারিদ্র্য  
ii. হতাশা  
iii. সুষ্ঠু সামাজিকীকরণের অভাব
- নিচের কোনটি সঠিক?
- ক. i ও ii  
খ. i ও iii  
গ. ii ও iii  
ঘ. i, ii ও iii
- ১৬। বিশ্ব অটিজম সচেতনতা দিবস কবে থেকে পালিত হচ্ছে?
- ক. ২০০৮ সাল  
খ. ২০০৯ সাল  
গ. ২০১০ সাল  
ঘ. ২০১১ সাল
- ১৭। শিশু আইন, ১৯৭৪ অনুযায়ী শিশুকে ভিক্ষাবৃত্তিতে নিয়োজিত করলে—
- i. ১ বছরের কারাদণ্ড বা তিনশত টাকা অর্থদণ্ড  
ii. ১ বছরের কারাদণ্ড বা পাঁচশত টাকা অর্থদণ্ড  
iii. ১ বছরের কারাদণ্ড বা তিনশত টাকা অর্থদণ্ড বা উভয়দণ্ড
- নিচের কোনটি সঠিক?
- ক. i ও ii  
খ. i ও iii  
গ. ii ও iii  
ঘ. i, ii ও iii

১৮। কিশোর অপরাধীদের আচরণ সংশোধনে কিশোর উন্নয়ন কেন্দ্রের কার্যক্রম হচ্ছে—

i. কিশোর আদালত

ii. কিশোর আবাস

iii. সংশোধনী কার্যক্রম

নিচের কোনটি সঠিক?

ক. i ও ii

খ. i ও iii

গ. ii ও iii

ঘ. i, ii ও iii

১৯। Comprehensive Disaster Management Programme-CDMP চালু হয় কবে?

ক. ২০০৪ সালে

খ. ২০০৫ সালে

গ. ২০০৯ সালে

ঘ. ২০১০ সালে

২০। গ্রামীণ ব্যাংক প্রকল্প শুরু হয় কত সালে?

ক. ১৯৭৩ সালে

খ. ১৯৭৪ সালে

গ. ১৯৭৫ সালে

ঘ. ১৯৭৬ সালে

২১। Save the Children -এর প্রতিষ্ঠাতা কে ছিলেন?

ক. ইগলেনটাইন জেব

খ. জ্যান অ্যাডামস

গ. কুইন্সি রাইট

ঘ. আখতার হামিদ খান

২২। UNICEF কবে প্রতিষ্ঠিত হয়?

ক. ১৯৫৬ সালের ১ ডিসেম্বর

খ. ১৯৫৮ ১১ ডিসেম্বর

গ. ১৯৫৬ সালের ১১ ডিসেম্বর

ঘ. ১৯৫৮ সালের ১ ডিসেম্বর

নিচের উদ্দীপকটি পড়ুন এবং ২৩ ও ২৪ নং প্রশ্নের উত্তর দিন:

নারী ও শিশুর প্রতি নির্যাতন, বেষম্য ও সহিংসতা রোধে ১৯৮৩ ও ১৯৮৫ সালে পৃথক দু'টি আইন প্রণয়ন হলেও তা কার্যকর ভূমিকা রাখতে ব্যর্থ হয়। পরবর্তীতে ২০০০ সালে নতুন রূপে আইনটি প্রকাশ পায় এবং এর কয়েক বছর পর আইনটি সংশোধিত আকারে প্রণীত হয়।

২৩। উদ্দীপকটিতে যে আইনটির প্রতি ইঙ্গিত করা হয়েছে সেটির শিরোনাম কী?

ক. নারী ও শিশু নির্যাতন আইন, ২০০৩

খ. নারী ও শিশু নির্যাতন প্রতিরোধ আইন, ২০০৩

গ. নারী ও শিশু নির্যাতন দমন আইন, ২০০৩

ঘ. নারী ও শিশু নির্যাতন দমন (সংশোধন) আইন, ২০০৩

২৪। উদ্দীপকটিতে যে আইনের প্রতি ইঙ্গিত করা হয়েছে সেটিতে যৌন নিপীড়নের জন্য কী ধরনের শাস্তির ব্যবস্থা উল্লেখ করা হয়েছে?

ক. ন্যূনতম ৩ থেকে ৫ বছর কারাদণ্ড

খ. ন্যূনতম ৩ থেকে ৭ বছর কারাদণ্ড

গ. ন্যূনতম ৩ থেকে ৮ বছর কারাদণ্ড

ঘ. ন্যূনতম ৩ থেকে ১০ বছর কারাদণ্ড

২৫। হিন্দু বিবাহ রেজিস্ট্রেশন আইন কবে প্রণীত হয়?

ক. ২৪ সেপ্টেম্বর, ২০১২

খ. ২৪ অক্টোবর, ২০১২

গ. ২৪ সেপ্টেম্বর, ২০১০

ঘ. ২৪ অক্টোবর, ২০১০

নিচের উদ্দীপকটি পড়ুন এবং ২৬ ও ২৮ নং প্রশ্নের উত্তর দিন:

বাংলাদেশের একটি সংস্থা মানব সম্পদ উন্নয়ন, দারিদ্র্য হ্রাসকরণ, সুবিধাবঞ্চিত জনগোষ্ঠীর উন্নয়ন ও ক্ষমতায়ন তথা সার্বিক কল্যাণে কর্মকাণ্ড পরিচালনা করছে। সংস্থাটি ১৯৮৯ সালে প্রতিষ্ঠিত একটি মন্ত্রণালয়ের আওতাধীন রয়েছে।

২৬। উদ্দীপকটিতে কোন মন্ত্রণালয়ের কথা উল্লেখ করা হয়েছে?

ক. ত্রাণ ও দুর্যোগ ব্যবস্থাপনা মন্ত্রণালয়

খ. শিক্ষা মন্ত্রণালয়

গ. সমাজকল্যাণ মন্ত্রণালয়

ঘ. মহিলা ও শিশু বিষয়ক মন্ত্রণালয়

২৭। উদ্দীপকটিতে যে সংস্থাটির লক্ষ্য-উদ্দেশ্যের বর্ণনা রয়েছে সেটির নাম কী?

ক. সমাজকল্যাণ পরিদপ্তর

খ. সমাজসেবা অধিদপ্তর

গ. প্রতিবন্ধী কল্যাণ পরিষদ

ঘ. সমাজসেবা পরিদপ্তর

২৮। মন্ত্রণালয়টির আওতাধীন অন্য সংস্থা হচ্ছে—

- জাতীয় প্রতিবন্ধী উন্নয়ন ফাউন্ডেশন
- শেখ জায়েদ বিন সুলতান আল নাহিয়ান ট্রাস্ট
- মুক্তিযোদ্ধা কল্যাণ ট্রাস্ট

নিচের কোনটি সঠিক?

- ক. i ও ii  
গ. ii ও iii

- খ. i ও iii  
ঘ. i, ii ও iii

২৯। সামাজিক আইনের লক্ষ্য-উদ্দেশ্য হচ্ছে—

- সামাজিক অনাচার ও বৈষম্য দূর করা
- সুবিধাবঞ্চিতদের অধিকার প্রতিষ্ঠা করা
- সামাজিক সমস্যা প্রতিরোধ করা

নিচের কোনটি সঠিক?

- ক. i ও ii  
গ. ii ও iii

- খ. i ও iii  
ঘ. i, ii ও iii

৩০। “পরিবার হচ্ছে সন্তান উৎপাদন ও প্রতিপালনের একটি চুক্তি” –উক্তিটি কার?

- ক. MacIver  
গ. Molinowski

- খ. Nimkoff  
ঘ. Summer

নিচের উদ্দীপকটি পড়ুন এবং ৩১ ও ৩২নং প্রশ্নের উত্তর দিন:

জনাব জামিল আহমেদ একটি বেসরকারি সংস্থার সিইও। যুদ্ধ, বন্যা, জলোচ্ছ্বাস, ঘূর্ণিঝড়সহ অন্যান্য দুর্ভোগময় মুহূর্তে সংস্থাটি তৎপর ভূমিকা রাখে। মানবতা, একতা ও সাম্য হচ্ছে সংস্থার কার্যক্রম পরিচালনার ভিত্তি।

৩১। জনাব জামিল আহমেদের সংস্থাটির সাথে কোন আন্তর্জাতিক সংস্থার সাদৃশ্য রয়েছে?

- ক. ওয়ার্ল্ড ভিশন  
গ. ইউনিসেফ

- খ. রেড ক্রিসেন্ট  
ঘ. সেভ দ্যা চিলড্রেন

৩২। উদ্দীপকের সাথে সাদৃশ্যপূর্ণ সংস্থাটি কে, কবে প্রতিষ্ঠা করেন?

- ক. হেনরি ডুরান্ট, ১৮৬৩ সালে  
গ. ইগলেনটাইন, ১৮৬৬ সালে

- খ. হেনরি ডুরান্ট, ১৮৬৩ সালে  
ঘ. ইগলেনটাইন, ১৮৬৬ সালে

৩৩। জমিলা প্রায়ই অহেতুক ভীতি, বিষণ্ণতা ও হতাশায় ভোগে। তার মধ্যে ভ্রান্ত বিশ্বাস এবং অলীক প্রত্যক্ষণ সমস্যাও রয়েছে। তার সমস্যা সমাধানে সমাজকর্মের কোন শাখার জ্ঞান প্রয়োগ করতে হবে?

- ক. সাইকিয়াট্রিক সমাজকর্ম  
গ. মিলিটারী সমাজকর্ম

- খ. শিল্প সমাজকর্ম  
ঘ. চিকিৎসা সমাজকর্ম

৩৪। বাংলাদেশের মোট জনশক্তির কত ভাগ বেকার?

- ক. ১০%  
গ. ৩০%

- খ. ২০%  
ঘ. ৪০%

৩৫। UNDP এর সদরদপ্তর কোথায়?

- ক. নিউইয়র্ক  
গ. জেদ্দা

- খ. প্যারিস  
ঘ. কায়রো

৩৬। বাংলাদেশ ওয়ার্ল্ড ভিশনের কার্যক্রম হচ্ছে—

- স্বাস্থ্য মান উন্নয়ন
- দারিদ্র্য বিমোচন
- খাদ্য নিরাপত্তা

নিচের কোনটি সঠিক?

- ক. i ও ii  
গ. ii ও iii

- খ. i ও iii  
ঘ. i, ii ও iii



নিচের উদ্দীপকটি পড়ুন এবং ৩৭ ও ৩৮ নং প্রশ্নের উত্তর দিন:

বাচ্চু মিয়া একজন সহজ সরল লোক। তিনি এক খুনের ঘটনায় সম্পৃক্ত থাকার অভিযোগে অভিযুক্ত হয়ে পাঁচ বছরের কারাদণ্ড প্রাপ্ত হন। তিনি দীর্ঘ তিন বছর যাবত কারাগারে আছেন। কারা কর্তৃপক্ষ তাকে দুই বছরের সাজা মওকুফ করে শর্তসাপেক্ষে মুক্তি দেয়ার সিদ্ধান্ত নিয়েছে।

৩৭। বাচ্চু মিয়ার মুক্তি কোন ধরনের সংশোধনমূলক সেবার আওতায় হবে?

- |                 |             |
|-----------------|-------------|
| ক. প্রবেশন      | খ. প্যারোল  |
| গ. আফটার কেয়ার | ঘ. হাফ ওয়ে |

৩৮। বাচ্চু মিয়াকে যে সংশোধনমূলক সেবার আওতায় মুক্তি দেয়া হবে তা প্রযোজ্য হয়—

- i. গুরু অপরাধীর ক্ষেত্রে
  - ii. বয়স্ক অপরাধীর ক্ষেত্রে
  - iii. সংশোধিত অপরাধীর ক্ষেত্রে
- নিচের কোনটি সঠিক?

- |             |                |
|-------------|----------------|
| ক. i ও ii   | খ. i ও iii     |
| গ. ii ও iii | ঘ. i, ii ও iii |

৩৯। সাহায্যার্থীর সমস্যা সম্পর্কে সবচেয়ে বেশি অবগত থাকেন কে?

- |                 |                 |
|-----------------|-----------------|
| ক. সমাজকর্মী    | খ. পরিবার       |
| গ. সাহায্যার্থী | ঘ. বন্ধু-বান্ধব |

৪০। গ্রুপ ম্যানেজমেন্ট প্রক্রিয়ার প্রথম ধাপ কোনটি?

- |             |                   |
|-------------|-------------------|
| ক. অনুধ্যান | খ. সমস্যা নির্ণয় |
| গ. সমাধান   | ঘ. মূল্যায়ন      |